

Broj: 06-03-692-07/48/18
Mostar, 25.09.2018. godine

Na osnovu člana 21., člana 37., člana 84., člana 87. stav (1) i stav (2) i člana 88. stav (1) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 2. Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18. Pravilnika za izdavanje dozvola („Službene novine Federacije BiH“ broj 2/17), člana 4. stav (1), člana 5. i člana 8. Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17, 59/17 i 49/18), postupajući po Zahtjevu za obnovu dozvole za snabdijevanje električnom energijom – dozvole II reda broj 06-03-692/48/18 od 13.07.2018. godine podnosioca zahtjeva JP Elektroprivreda BiH d.d. – Sarajevo, ul. Vilsonovo šetalište br. 15, Sarajevo, Regulatorna komisija za energiju u Federaciji Bosne i Hercegovine – FERK je 25.09.2018. godine na XVI redovnoj sjednici donijela sljedeće

RJEŠENJE

1. Izdaje se Dozvola za snabdijevanje električnom energijom - dozvola II reda podnosiocu zahtjeva JP Elektroprivreda BiH d.d. – Sarajevo.
2. Dozvola se izdaje na period od 01.01.2019. godine do 31.12.2023. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola iz tački 1. i 2. ovog rješenja.
4. Imalac dozvole je obavezan plaćati regulatornu naknadu u periodu važenja dozvole na način i u iznosu koji utvrdi FERK posebnom odlukom.
5. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

FERK je 13.07.2018. godine primio od podnosioca JP Elektroprivreda BiH d.d. – Sarajevo Zahtjev za obnovu dozvole za snabdijevanje električnom energijom – dozvole II reda broj 06-03-692/48/18.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima

1

podnesenog Zahtjeva za obnovu dozvole za snabdijevanje električnom energijom – dozvole II reda broj 06-03-692-01/48/18 od 20.07.2018. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, podnosilac zahtjeva je dostavio dopis primljen u FERK 27.07.2018. godine pod brojem 06-03-692-02/48/18 uz koji je dostavio traženu dokumentacije i obrazloženja. Na osnovu dokumentacije i obrazloženja dostavljenih od podnosioca zahtjeva, FERK je utvrdio da je zahtjev podnosioca JP Elektroprivreda BiH d.d. - Sarajevo potpun i da su se stekli uslovi za objavu obavještenju za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za snabdijevanje električnom energijom - dozvole II reda po zahtjevu broj 06-03-692/48/18 od 13.07.2018. godine podnosioca zahtjeva JP Elektroprivreda BiH d.d. – Sarajevo. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-692-03/48/18 od 12.09.2018. godine usvojio Nacrt dozvole za snabdijevanje električnom energijom - dozvole II reda, te Obavještenje za javnost o opštoj raspravi o Nacrtu dozvole za snabdijevanje električnom energijom – dozvole II reda, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za snabdijevanje električnom energijom – dozvole II reda na adresu FERK-a ili na elektronsku adresu, u periodu od 13.09.2018. godine do 21.09.2018. godine do 10:00 sati, kao i da su lica koja imaju direktan interes da učestvuju u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješaća na adresu FERK-a ili na elektronsku adresu, u periodu od 13.09.2018. godine do 21.09.2018. godine do 10:00 sati.

Do ostavljenog roka za dostavu pisanih komentara, odnosno do 21.09.2018. godine do 10:00 sati, podnosilac zahtjeva je 21.09.2018. godine pod brojem 06-03-692-04/48/18 dostavio u FERK svoje komentare, dok u FERK nisu primljeni ostali pisani komentari na Nacrt dozvole za snabdijevanje električnom energijom - dozvole II reda, niti je primljen zahtjev za sticanje statusa umješaća. U svojim pisanim komentarima podnosilac zahtjeva je u vezi sa tačkom 4.6.2. predmetnog nacrta predložio da ova tačka bude dopunjena na način da u slučaju snabdijevanja krajnjih kupaca električnom energijom nije potrebno da subjekti, u ovom slučaju krajnji kupci, posjeduju odgovarajuću dozvolu za obavljanje elektroprivredne djelatnosti, obzirom da je sa aspekta obavljanja trgovine na unutrašnjem tržištu ova odredba jasno napisana, ali ako se posmatra i snabdijevanje krajnjih kupca navedena formulacija nije primjenjiva. Za tačku 4.10. je predloženo da se ne navodi obaveza formiranja organizacione jedinice za licenciranu djelatnost kao odvojene poslovne jedinice obzirom da je organizacija JP Elektroprivreda BiH d.d. - Sarajevo takva da se poslovi iz djelatnosti snabdijevanja električnom energijom I reda (glavno snabdijevanje) i II reda (tržišno snabdijevanje) obavljaju u okviru Sektora za snabdijevanje u Direkciji Društva (grupa poslova za tržišno snabdijevanje i grupa poslova za snabdijevanje) i u elektrodistributivnim podružnicama, zbog čega se postavlja pitanje da li JP Elektroprivreda BiH d.d. - Sarajevo treba registrovati odvojene poslovne jedinice koje će pružati usluge

tržišnog snabdijevanja kako u Direkciji Društva tako i u elektrodistributivnim podružnicama ili se pod poslovnim jedinicama misli na trenutnu organizaciju JP Elektroprivreda BiH d.d. – Sarajevo (grupa poslova, podružnica) u kojoj se pružaju usluge tržišnog snabdijevanja odnosno obavlja djelatnost snabdijevanja električnom energijom. Za tačku 5.4. je predloženo da se briše obzirom da se radi o Dozvoli za snabdijevanje električnom energijom-dozvoli II reda koja je tržišna djelatnost i da obaveza postupanja u skladu sa Programom o prestrukturiranju elektroenergetskog sektora u Federaciji BiH nije u direktnoj nadležnosti djelatnosti snabdijevanja električnom energijom II reda, kao i da ova obaveza nije propisana u dozvolama drugih elektroprivrednih djelatnosti izdatim od strane FERK-a. Dalje je za tačku 4.12.1. predloženo da se obaveza osiguranja kalkulatora za izračun troška električne energije briše obzirom da je tržište električne energije otvoreno, da cijene za tržišno snabdijevanje nisu javne, da je Pravilnikom o snabdijevanju kvalifikovanih kupaca električnom energijom i postupku promjene snabdjevača (član 22. stav (2)) definisano: „Snabdjevač je obavezan, na zahtjev kvalifikovanog kupca, da istog informiše o svojim cijenama“, kao i da kalkulator za izračun troška električne energije nema funkciju ako cijene nisu upisane, a ne mogu biti upisane jer nisu javne.

U skladu sa članom 16. stav (4) Pravilnika za izdavanje dozvola voditelj postupka pripremio je pisani izvještaj, koji je sadržavao komentare, analizu datih komentara i preporuku članovima FERK-a, te je ovaj izvještaj u skladu sa stavom (5) istog člana uputio podnosiocu zahtjeva na komentare 24.09.2018. godine pod brojem 06-03-692-05/48/18.

Podnosilac zahtjeva je povodom navedenog u FERK dostavio 25.09.2018. godine dopis primljen pod brojem 06-03-692-06/48/18 u kojem je naveo da nema dodatnih komentara na gore navedeni izvještaj.

Izvještaj voditelja postupka sa komentarima podnosioca zahtjeva dostavljen je članovima FERK-a dana 25.09.2018. godine pod internim brojem 06-08-208/18, na razmatranje radi donošenja odluke.

Dalje, članom 4. i članom 5. Pravilnika o metodologiji i načinu obračuna regulatornih naknada za imaoce dozvola propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 8. istog pravilnika propisan je način utvrđivanja regulatornih naknada za imaoce dozvola za obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaoca dozvole. O obavezi plaćanja regulatorne naknade imaoцу dozvole se ispostavlja posebno obavještenje.

Prilikom odlučivanja FERK je razmotrio Zahtjev za obnovu dozvole za snabdijevanje električnom energijom - dozvole II reda podnosioca JP Elektroprivreda BiH d.d. – Sarajevo i dokumentaciju priloženu uz zahtjev, te analizirao komentare podnosioca zahtjeva date u postupku opšte rasprave, odnosno izvještaj voditelja postupka. FERK je takođe utvrđivao i činjenice da li podnosilac zahtjeva ispunjava tehničke i druge uslove utvrđene Zakonom o električnoj energiji u Federaciji Bosne i Hercegovine i pravilnicima FERK-a, što je podnosilac dokazivao priloženom dokumentacijom. Komentare podnosioca zahtjeva FERK je pažljivo analizirao, te uvažio u onoj mjeri koliko je to bilo moguće u skladu sa Zakonom o električnoj energiji u Federaciji Bosne i Hercegovine, Pravilnikom za izdavanje dozvola, Opštim uslovima za isporuku električne energije („Službene novine Federacije BiH“ broj 89/14 i 7/18) i Pravilnikom o snabdijevanju kvalifikovanih kupaca električnom energijom i postupku promjene snabdjevača („Službene novine Federacije BiH“ broj 89/14), kao i

drugim relevantnim zakonskim i podzakonskim aktima. Takođe FERK je, u vezi sa članom 87. stav (3) Zakona o električnoj energiji u Federaciji Bosne i Hercegovine, pažnju posvetio i činjenici u kojoj mjeri je podnosilac zahtjeva ispunio uslove koji su bili postavljeni pred JP Elektroprivreda BiH d.d. - Sarajevo u Dozvoli za rad-licenci za snabdijevanje električnom energijom - dozvoli II reda broj 06-03-774/58/13 od 06.12.2013. godine koja važi do 31.12.2018. godine. Tako je FERK komentar vezan za tačku 4.12.1. nacрта promatrao i sa aspekta ispunjenja tačke 4.13.1. važeće dozvole u odnosu na obaveze koje su Opštim uslovima za isporuku električne energije postavljene pred sve snabdjevače električne energije i obzirom na njihovu primjenu od 01.01.2015. godine. Svrha obaveze snabdjevača propisane u članu 6. stav (1) tačka ii) Opštih uslova za isporuku električne energije vezana za obezbjeđenje kalkulatora za izračun troška električne energije na njihovoj internet stranici je upravo informisanje krajnjih kupaca radi poređenja ponuda pojedinih snabdjevača u slučaju promjene snabdjevača, zbog čega je sam izračun informativnog karaktera i isti ne uključuje ponude sa ugovornom obavezom. Komentar vezan za tačku 5.4. nacрта FERK je razmatrao sa aspekta tačke 5. gore navedene važeće dozvole, a u vezi sa obavezom podnosioca zahtjeva iz člana 14. Zakona o električnoj energiji u Federaciji Bosne i Hercegovine, da djelatnost snabdijevanja električnom energijom drugog reda obavlja funkcionalno razdvojeno od drugih elektroprivrednih i neelektroprivrednih djelatnosti koje obavlja i vodi poslovne knjige i računovodstvo za licenciranu djelatnost odvojeno od drugih elektroprivrednih i neelektroprivrednih djelatnosti koje obavlja i sačinjava odvojene finansijske izvještaje, uključujući odvojeno poslovno upravljanje različitim elektroprivrednim djelatnostima. Obzirom na elektroprivredne djelatnosti koje podnosilac zahtjeva obavlja i za koje ima izdate dozvole za rad, kao i uslove postavljene u ovim dozvolama, FERK je bio u obavezi isto razmatrati i u odnosu na Privremene smjernice elektroenergetske politike Federacije Bosne i Hercegovine („Službene novine Federacije BiH“ broj 80/14), ali i član 114. Zakona o električnoj energiji u Federaciji Bosne i Hercegovine, pri čemu je posebna pažnja posvećena dosadašnjim aktivnosti provedenim u vezi gore navedenih obaveza. FERK je kod postavljanja određenih uslova u dozvoli koja je predmet ovog rješenja u obzir uzeo aktivnosti koje je podnosilac zahtjeva već preduzeo u okviru zakonskih i podzakonskih akata, okolnosti na koje podnosilac zahtjeva nije mogao uticati vezane za Program prestrukturiranja elektroenergetskog sektora u Federaciji Bosne i Hercegovine, ali i planirane aktivnosti koje su vidljive i iz dokumentacije koju je dostavio podnosilac. Sve navedeno predstavlja razlog zbog čega i nisu mogli biti uvaženi komentari vezani za tačke 4.12.1. i 5.4. predmetnog nacрта, te opredjeljenje za određene uslove, uključujući obavezu imaoca dozvole da osigura kalkulator za izračun troška električne energije i obavezu postupanje po planu aktivnosti sa dinamičkim okvirom za konačno razdvajanje internog računovodstva vertikalno integrisanog društva, kao i razdvajanje poslovnog upravljanja i izvršavanje dinamičkog okvira iz Programa o prestrukturiranju elektroenergetskog sektora u Federaciji BiH, koje je FERK postavio podnosiocu zahtjeva, u skladu sa Zakonom o električnoj energiji u Federaciji Bosne i Hercegovine, članom 26. i članom 30. Pravilnika za izdavanje dozvola, ali i drugim relevantnim zakonskim i podzakonskim aktima. Spomenuti uslovi uvažavaju potrebu, ali i obavezu JP Elektroprivreda BiH d.d. - Sarajevo da u rokovima propisanim u uslovima dozvole za rad iste ispuni, u cilju zadovoljenja opštih i posebnih kriterija propisanih članom 87. stav (1)

Zakona o električnoj energiji u Federaciji Bosne i Hercegovine, odnosno iz člana 25. Pravilnika za izdavanje dozvola.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Jasmin Bešo

Dostaviti:

- JP Elektroprivreda BiH d.d. – Sarajevo
- Sektoru za pravne poslove
- Sektoru za tehničke poslove i licence
- Sektoru za tarife i tržište
- Sektoru za finansije
- Sektoru zajedničkih poslova
- oglasna tabla
- a/a